

ANNO DOMINI MCLIV-MCLIX

ADRIANUS IV

PONTIFEX ROMANUS

NOTITIA HISTORICA

(MANSI, Concil., XXI, 785)

Adrianus IV, natione Anglus, Nicolai nomine ante pontificatum appellatus, Ecclesiae cardinalis, Alba-mensis episcopus, in Norwegiam ab Eugenio missus, postquam fidem Christi ibi propagasset, genteinque barbaram convertisset, Romanum reversus, ex apostolo Norwegiae, vir valde benignus (verba sunt codicis Vaticani) mitis ac patiens, in Graeca et Latina lingua peritus, sermone facundus, eloquentia politus, in canto ecclesiastico præcipuus, prædicator egregius, ad irascendum tardus, ad ignoscendum velox, hilarius dator, cleemosynis largus, et in omni morum compositione præclarus, tertio Nonas Decembbris, anno Dominicæ Incarnationis 1154, tempore Friderici imperatoris I, Anastasio in sede pontificali subrogatus fuit. Ilujus tempore, Arnoldi hæresiarchæ, qui, Romanorum Arnoldistarum et senatus auctoritate in Urbe muniebatur, sectarii, dominum Gerardum presbyterum cardinalem tituli Sanctæ Pudentianæ ad pontificem eumem in via aggressi ad mortem vulnifilarunt. Qua de causa civitas interdicto subjecta, non prius est: a soluta quam Arnolodum ejusque sectatores monib; et imperio Urbis eliminarentur. Quod cum præstitissent, sublata est censura interdicti, ipsi cives sacramentorum perceptioni restituti fuerunt. Hæresiaracham Arnoldum ab Urbe relegatum in finibus Tusciae apud Otriculos, qui eum tanquam prophetam in terra sua omni honore colebant, per Gerardum cardinalem Sancti Nicolai captum, et a vicecomitiibus Campania e manibus ejus abreptum, instantia pontificis per Fridericū adhuc regem sumpto de vicecomite uno gravi supplicio, aliisque fugatis, pontificis jurisdictioni restitutum, tandem Urbis præfectus, a papa in Urbe existente requisitus, ligno adegit, ac rogo in pulvere in redacto funere, ne a stolida plebe corpus ejus venerationi haberetur, cinerem in Tiberim immisit. Guillelmum, Siciliæ regem, qui litteras pontificias, ideo quod regis titulo, quem sibi usurpat, inscriptæ non fuissent, et alias Ecclesiae terras occupasset, anathematis vinculo innodavit. Intelligens imperatorem Fridericum multis stipulatum copiis in Italianum intrasse, eidem obviam processit, et Sutrium usque profectus, cum eodem convenienter, ipse imperator ex equo descendens, eum debito honore prosecutus est; qui Romanum comitatus, coronam imperiale accepit. Urhem Tiburtinorum qui se imperatori dediderant, nulla interjecta mora, quia Ecclesiae esse patrimonium intellegebat, pontifici restituit, ac tum in Germaniam reversus est. Exinde Beneventum a primoribus regni vocatus sese contulit, et potissimum partem e manibus Guilleimi recuperavit. Ibi monram trahenti imperatori Graecorum per legatos

B millia librarum auri pontifici obtulit, addita promissione se Guillelmum ex Italia abacturum suis stipendiis, interea si tres in Apulia urbes maritimas dederentur. Eo nuntio Guillelmus percitus, cum pontifice amicitiam componere per sequestros tentavit: omninaque, quæ occupaverat, imo multo plura se redditum promisit, si titulo regni utriusque Siciliæ insigniretur. Petitioni ejus initio statim pontifex detulisset, si cardinalium pars maxima illud non dissuassisset. Sed cum Guillelmus cum valido exercitu Apuliam omnem sibi subjecisset, renentibus cardinalibus, Adrianus indignatus, omnia ut petierat, ex sententia Guillelmi permisit, titulosque prædictos attribuit. His ita compositis, Adrianus Orvietum concessit, quod Romanorum pontificum primus sua habitatione nobilis reddidit. Romanum reversus, cum Friderico imperatore ob non vindicatam injuriam Londinensi archiepiscopo illatum, expostulavit per litteras, ex quibus male intellectis orta est illa inter Adriannum et Fridericum de imperio periculosa disceptatio, quam Radevicus prolixè describit. Sedata est discordia, quando pontifex per secundam epistolam declararat se per beneficii collationem nihil aliud quam imperiale coronationem eique impartitam consecrationem intellexisse. Resuscitata fuit, quando recusaret pontifex confirmare quem imperator Ravennatem episcopum constituerat. Cumque Romæ agens a civibus inquietaretur, Anagniam rediit, ubi post breve temporis intervallum ex morbo squinatæ, ut scribit Guillelmus Tyrus, obiit, postquam in eo officio pontificali iv annis et x mensibus laudabiliter se gessisset. Ejus corpus ad Urbem delatum, prope sepulcrum Eugenii conditum est. — Hæc summatum ex codice Vaticano apud Baronium, Ottone Frisingensi, et Willelmo Tyrio. Dodechinus in appendice Mariani: «Adrianus, inquit, imperatorem pro conjugi dissidio excommunicare disposuerat, sed mense Octobris, anno 1159, morte prævenitus est. » Otto Frisingensis, qui his temporibus vixit et scripsit, lib. vii, cap. ult., Friderici imperatoris octavo anno, qui cum anno Christi 1159 coincidit, venerabilem papam obiisse refert. — Anno 1160, Kalendas Septembbris, ait continuator Siegherti, mortuus est Adrianus papa. »

Radevicus *De gestis Friderici imperatoris*, lib. ii cap. 43: « Ea tempestate, ait, Adrianus papa in Kalendis Septembbris apud Anagniam diem clausit extreum, et in Nonas Septembbris in ecclesia Beati Petri, præsentibus clero, senatu populoque Romano, honorisce tumulatus est, regalibus nuntiis adhuc ibi existentibus. Quare non modo non est miraculosum, ut hæretici calumniantur, sed re-

vera plane fabulosum, et ex morbo squinantia, quæ em obiisse scribit Tyrinus, male intellecto, haud dubie effectum, quo i de obitu Adriani ex obscurio quodam et schismatico auctore Joanne Cremonense schismaticorum sancor abbas Urspergensis in Chronico refert his verbis : « Cum venisset ad quemdam fontem, hausit de potu illius, et continuo (ut dicitur) musca quedam os ejus intravit, et gutturi ejus adhaesit, nulloque artificio medicorum avelli potuit, quoadusque spiritum exhalareret. » Mortem tam novam et insolentem a scriptoribus ejus temporis, quos supra recensui, commemorant non fuisse, non est probabile, si, quod absit ! pontifici maximo talis interitus obtigisset. Si juxta sententiam Adriani papæ Fridericum imperatorem suum absorptum, ejusque exercitum miraculose a Deo extinctum fuisse, nemo scriptorum tacuit

A quis credit omnes scriptores similem obitum Adriani, si contigisset, tacituros fuisse ? Non minor est calumnia, qua uterque schismaticorum sancor scribit, Adrianum accepta pecunia comparatum fuisse ut Fridericum excommunicaret : quasi vero non fuerit sufficiens causa ad condemnandum sententia anathematis eum qui, legitima uxore repudiata alteram duceret, sedique apostolicæ semel reconciliatus, eas, quas Radevicus descripsit, injurias iterum in eamdem evomuerat. Illud Adrianus reliquit posteris admirandum exemplum, quod nec obolum quidem erogarit in suos propinquos, adeo ut nec matri ipsi aliquid voluerit impendisse, quam eleemosynis Cantuariensis Ecclesie (teste Sarisbriensi, epistola 24, ad sanctum Thomam) alenda reliquit.

ADRIANI IV PAPÆ

VITA

AUCTORE CARDINALI DE ARAGONIA.

(MURATORI, *Rer. Ital. Script.*, III, 1, 441.)

Adrianus IV, natione Anglicus, de castro Sancti Albani, qui Nicolaus Albanensis episcopus, sedit annis iv, mensibus viii, diebus vi. Hic namque pueritatis sua tempore, ut in litterarum studiis proficeret, egrediens de terra et de cognatione sua pervenit Arelaten, ubi dum in scholis vacaret, a Domino factum est ut et ecclesiam Beati Ruffi accederet, et in ea religionis habitum, facta canonica professione, susciperet. Proficisciens ergo, Deo auctore, de bono semper in melius, prioratum in ipsa domo prius obtinuit, et postmodum ab abbatis apicem de communii voluntate fratrum cōscendit. Accedit autem, ut pro incumbentibus Ecclesie sibi commissas negotiis ad apostolicam sedem veniret, et peractis omnibus causis, pro quibus venerat, cum redire ad propria vellet, Leatae memoriae papa Eugenius eum secum retinuit, et de communii fratribus suorum consilio in Albanensem episcopum consecravit. Processu vero modici temporis cognita ipsius honestate ac prudentia, de latere suo cum ad partes Norwegie legatum sedis apostolicæ destinavit, quatenus verbum vitae in ipsa provincia prædicaret, et ad faciendum omnipotenti Deo animarum lucrum studeret. Ipse vero tanquam minister Christi, et fidelis ac prudens dispensator mysteriorum Dei, gentem illam barbaram et rudem in lege Christiana diligenter instruxit, et ecclesiasticis eruditioribus informavit. Divina itaque dispensatione apostolatus sui diem præveniens, defuncto papa Eugenio, et Anastasio in loco ejus ordinato, ad matrem suam sacrosanctam Romanam Ecclesiam, ductore Domino, remeavit, reliquens pacem regni, legem barbaris, quietem monasteriis, ecclesiis ordinem, clericis disciplinam, et Deo populu accepitabilem sectatorem bonorum operum. Transeunte autem, modico temporis intervallo obiit Anastasius papa, et in secunda die convenientibus in unum pro eligendo sibi pastore cunctis episcopis et cardinalibus apud ecclesiam Beati Petri, non sine divini dispositione consilii factum est, ut in ejus personam unanimiter concordarent, et papam Adriandum electum tam clerici quam laici pariter conclu-

B mantes, cum invitum, et renitentem in sede beati Petri inthronizarunt, Deo auctore, Dominicæ incarnationis anno 1154, indictione iii. Erat enim vir valde benignus, mitis et patiens, in Anglica et Latina lingua peritus, in sermone facundus, in eloquentia politus, in cantilena præcipuus et prædictor egregius, ad irascendum tardus, ad ignoscendum velox, hilaris dator, in eleemosynis largus, et in omni morum compositione præclarus.

In diebus illis, Arnaldus Brixiensis haereticus orbem intrare præsumperat, et erroris sui venena disseminans, nientes simplicium a via veritatis subvertere conabatur. Pro cuius expulsione supradicti Eugenius, et Anastasius Romani pontifices plurimum iam laboraverunt, sed favore et potentia quorundam perversorum civium, et maxime senotorum, qui tunc ad regimur civitatis a populo fuerant instituti, antedictus haereticus munitus et tutus, contra prohibitionem Adriani papæ in eadem civitate procaciter morabatur, et sibi, ac fratribus suis insidiari cooperat, et publice, atque atrociter adversari. Venerabilem namque virum magistrum D.... presbyterum cardinalem titulo Sanctæ Potentianæ ad presentiam ipsius pontificis euntem quidam ex ipsis hereticis ausu nefario in via Sacra invadere præsumperunt, et ad interitum vulneraverunt. Quapropter pontifex ipse civitatem Romanam interdicto supposuit, et usq; ad quartam feriam majoris hebdomadæ universa civitas a-divinis cessavit officiis. Tunc vero prædicti senatores compulsi a clero et populo Romano, accesserunt ad presentiam ejusdem pontificis, et ad ipsius mandatum super sancta Dei Evangelia juraverunt, quod saepè dictum haereticum, et reliquos ipsius sectatores de tota urbe Romana et ejus finibus sine mera expellerent, nisi ad mandatum et obedientiam ipsius papæ redirent. Sic itaque ipsis ejectis, et civitate ab interdicto absoluta, repleti sunt omnes gaudio magno, laudantes pariter, et benedicentes Dominum. In crastinum autem, videlicet die Cœnæ Domini concurrente undique de mora ad annuae remissionis gratiam, et gloriosam festivita-